



Handwritten signature

29.01.2026

ԿԱՐԾԻՔ

ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ

Տիգրան Ալեքսանի Ալեքսանյանի՝ «Բերդի տարածաշրջանի միջնադարյան ամրաշինական համակարգը» Է.00.03 «Հնագիտություն» մասնագիտությամբ պատմական գիտությունների թեկնածուի գիտական աստիճանի ատենախոսության մասին:

ԵՊՀ պատմության ֆակուլտետի հնագիտության և ազգագրության ամբիոնի 2026թ. հունվարի 29-ի նիստում քննարկվեց Տիգրան Ալեքսանի Ալեքսանյանի «Բերդի տարածաշրջանի միջնադարյան ամրաշինական համակարգը» աշխատանքը պատմական գիտությունների թեկնածուի գիտական աստիճանի հայցման ատենախոսության վերաբերյալ:

Նիստին մասնակցում էին ԵՊՀ պատմության ֆակուլտետի հնագիտության և ազգագրության ամբիոնի վարիչ պ.գ.դ., պրոֆեսոր Հ. Ավետիսյանը, ֆակուլտետի դեկան պ.գ.թ., դոցենտ Մ. Գաբրիելյանը, պ.գ.թ., ամբիոնի դասախոսներ Ա. Գնունին, Հ. Սիմոնյանը, Ա. Անանյանը, Լ. Աբրահամյանը, Գ. Շազոյանը, Ռ. Ծատուրյանը, Հ. Հարությունյանը, Ա. Բոբոխյանը:

Ելույթ ունեցան Հ. Ավետիսյանը, Մ. Գաբրիելյանը, Ա. Բոբոխյանը, Ռ. Ծատուրյանը, Գ. Շազոյանը:

Նիստի մասնակիցներն արձանագրեցին հետևյալը.


Տիգրան Ալեքսանի Ալեքսանյանի թեկնածուական ատենախոսությունը նվիրված է համեմատաբար քիչ ուսումնասիրված Բերդի տարածաշրջանի միջնադարյան ամրաշինական կառույցների և պաշտպանական համակարգերի ուսումնասիրությանը: Հեղինակն ատենախոսության մեջ փորձել է հետազոտել և համակարգված ներկայացնել Բերդի տարածաշրջանի միջնադարյան ամրաշինական կառույցները, դրանց մասին տվյալները, ուսումնասիրություններն ու հետազոտողների տարաբնույթ կարծիքները: Քննարկման նյութ է դարձել փաստագրված համալիրների կառուցապատման սկզբունքները, շինարարական և ժամանակագրական փուլերն ու ենթափուլերը, պատմական իրողությունների ընթացքը, աղբյուրագիտական և վիճակագրական տեղեկությունները: Ատենախոսության

պահանջներին համապատասխան գիտական հանրությանն է ներկայացրել ուսումնասիրվող համալիրների լուսանկարները, չափագրությունները և պեղված հնագիտական տարբեր գտածոներ: Բերդի տարածաշրջանի միջնադարյան ամրաշինական համակարգի ուսումնասիրությունն արդիական է և կարևոր: Այն իրականացվել է հետազոտական հատուկ մեթոդաբանությամբ՝ դաշտային աշխատանքների և պեղումների կազմակերպմամբ: Թեման հաստատվել և փորձաքննության է անցել ըստ գործող կարգի: Ներկայացված ատենախոսությունն ունի հստակ կառուցվածք և բովանդակություն: Բաղկացած է ներածությունից, չորս գլուխներից՝ համապատասխան ենթագլուխներով, եզրակացությունից, օգտագործված սկզբնաղբյուրների և գրականության ցանկից, հավելվածից:

Մի շարք արժանիքների հետ միասին աշխատանքում կան բացթողումներ և սխալներ, որոնք բոլորովին չեն ստվերում ատենախոսության բովանդակությունը:

1. Աշխատանքի վերնագրում անհրաժեշտ էր նշել միջնադարի զարգացած ժամանակահատվածը, օրինակ՝ X-XIII դարեր:
2. Կարևոր է հստակեցնել ամրոց, բերդ, միջնաբերդ և քաղաք հասկացությունները, չնայած բնակավայրերի տիպերի մասին հեղինակը որոշ դիտարկումներ կատարել է: Կարելի էր օգտագործել Հակոբ Մանանդյանի աշխատությունները:
3. Լուսանկարները առատ են, իսկ գծանկարները՝ քիչ ներկայացված:
4. Կան համակարգային բացթողումներ և սխալներ:

Թեկնածուական ատենախոսությունը և սեղմագիրը համապատասխանում է գիտական աստիճանաշնորհման անվանացանկի Է.00.03 «Հնագիտություն» մասնագիտությանը և հեղինակը լիովին արժանի է հայցած՝ պատմական գիտությունների թեկնածուի կոչման, ինչի համար ԵՊՀ հնագիտության և ազգագրության ամբիոնը, որպես առաջատար կազմակերպություն, միջնորդում է մասնագիտական հանձնաժողովին:

ԵՊՀ հնագիտության և ազգագրության ամբիոնի վարիչ, պատմական գիտությունների դոկտոր, պրոֆեսոր՝  Հ.Գ. Ավետիսյան

Պատմական գիտությունների դոկտոր, պրոֆեսոր Հ.Գ. Ավետիսյանի ստորագրությունը հաստատում եմ՝

ԵՊՀ գիտքարտուղար՝

Բ.Գ.Թ., դոց. Մ. Հովհաննիսյան



29.01.2026